

Yankees lo firma Sidney Ponson awe



ORANJESTAD (AAN); Informacion di New York, ta indica cu e pelotero Arubano, Sidney Ponson ta bay haya un otro oportunidad, e biaha aki cu New York Yankees.

Ponson a worde laga den libertad pa St. Louis Cardinals siman pasa y Yankees, cu ta buscando un di cinco habri desespera, lo firma e talentoso pitcher awe Diabierna.

General manager di Yankees di Brian Cashman a bisa Diahuebs cu e deal "ta haci sentido, compara cu tur otro cu tabata disponible pa nos."

Comentario cu ta worde bisa riba noticia nan di internet ta bisa cu esaki ta un bon oportunidad pa Ponson, kende cu ultimo añanan tabata diferente problema.

Ponson, di 29 aña ta un pitcher derecho cu record di 4-4 y ERA di 5.24 pa St. Louis e temporada aki.

"Mi ta kere cu e ta capacita, kieren lo no ta un sorpresa pa mi si e bay bon," manager di St. Louis Cardinal Tony La Russa a bisa.

Ponson lo por habri su prome wega wak Yankees Diamars anochi na cas contra Seattle. Yankees lo paga entre \$150.000 y \$175.000 pa

firma Ponson pa e resto di temporada.

"Ta dificil pa mehora bo pitcheo, berdaderamente e ta," Cashman ta bisa. "Spera, cu esaki lo ta algo cu lo traha bon pa nos. E ta un riesgo chikito y spera cu nos lo por saca algo bon di bon di dje."

Agente di Ponson, Barry Praver, a bisa cu tabata tin otro equipo interesa den Ponson. Pero e ta nenga di nombra nan, ta worde specula cu Boston tabata entre nan.

"Sidney ta wak Yankees como e mihor oportunidad personal y profesional," Praver ta bisa.

Yankees ta tres wega tras di Boston den Division East di Liga Americana. Ponson lo uni na un rotacion cu ta inclui Mike Mussina, Randy Johnson, Chien-Ming Wang y Jaret Wright. Pitcher habridor Shawn Chacon tambe ta riba roster, tambe, pero ta worde specula cu Yankees pronto lo haci un of otro cambio cune.

Cashman a bisa cu Yankees ta kere cu ta bale la pena tuma un chens cu Ponson paso e a haci cambio den su bida. "Ainda e tin un bon braza," el a bisa.

Cardinals a adkiri pitcher Jeff Weaver for di Los Angeles Angels dos dia prome cu laga Ponson bay.

"Mi tabata spera cu e bay bon," Center fielder di Cardinals Jim Edmonds ta bisa. "Mi tabata gusta e y e tabata un persona cu clase, tambe.

"E a yama mi y bisa, 'Bo a tende cu nan a laga mi bay?' Mi no tabata sa kico pa bisa. E kier a dies yama y gradici mi pa tur cos."